

[同治]續修慈利縣志

十四卷 首一卷

(清)嵇有慶 蔣恩澍修

魏湘纂

清同治八年(1869)刻本

十四册

原件收藏

湖北省图书馆

原件书号

地 3|2|20

原件状况

原件完好

本部书共摄制 2 卷

2:1 卷首~卷10

2:2 卷11~卷14

版权所有 不准复印

同治八年續修

慈利縣志

板存博學園

續修慈利縣志序

不虛美不隱惡史家直筆也然
而不虛有惡而不隱其人之見之者
鮮不愀然而不樂執簡者知其然也
率徇夫人情好諛惡直之見而勉習
以逢其人之意而順以相承謂肆一
時之諛沒三代之直空言之寄無足

重輕不知天下無真是非將使他日
有志之士無所憑以施其因革損益
之大用而美者遂以混於惡而惡者
終無以反而美興觀之意微矣天下
曷貴乎有史哉余宰慈利之明年
大中丞有催繳邑志之檄於是邑紳
設局修志兩年餘矣志適成魏孝廉


湘來請序且曰邑之有志猶

國之有史史例得書惡志則否然志中
之美者如其分而無溢詞亦史家直
筆之遺意也湘董是役操筆吮墨兢
兢焉他無所知惟持此不虛美之心
以求無愧於古余受而讀之曰烏虜
余既不獲讀中秘書珥筆以從史

館後令忝膺民社覩修志之盛舉其
於天象地輿人官物曲諸實蹟焉敢
有所指摘乎爰敬書其不虛美之一
言而誌之雖然由斯言推之抑亦守
土者賞罰之柄而彰瘡之責也獨空
言之寄乎哉

同治八年己巳仲春知慈利縣事至

成科舉人錫山嵇有慶謨



慈利縣志卷之三十一 藝文志 序

續修慈利縣志敘

慈志纂輯原委 諸公言之備矣予
不必贅竊謂志者舉其事實而記載
之也故邑志與國史有同有異史大
一統義取憲天志冠

上諭意凜尊王史提綱挈領直書其事而
褒貶自見志別類分門臚陳其實而

得失難証史考獻徵文凡名臣奏疏
策論劄子之有裨治道者靡不備觀
省而垂鑒戒志訓方型俗凡文苑記
傳序銘詩歌之有關體要者亦在去
糟粕而取菁華是則其所同也顧作
史者上下千古蒐羅不下數十百家
理大而物博體廣而用宏故遺誤絕

六人近乃兩科五人武榜六四人學
舍喧豗咸欣盛事余適承乏於此曾
作樞龍院記因請無錫嵇君曰僧圖
之爲登科雀詒同治五年春

憲檄將脩湖南通志督各州縣脩志
以備採擇慈利縣志自嘉慶二十二
年皇甫月川先生纂脩及迄今五十


年績脩之事波不可緩特聘魏君年
躬開局纂輯研慮覃思於山川險隘
民物利病政治沿革事典興廢兵防
學校之宏綱積儲賦役之要領名宦
鄉賢之實際貞孝節烈之幽光廣之
而社穀義舟仁民之厚澤博之而
魚艸木利物之妙用靡不悉心訪求

周察詳載書成請敘於余余於是書
復何聞然竊幸忝鐸五年以來膠庠
之中頗知自愛罕肯通請謁干公事
者且喜科第蟬聯弥盛於曩昔故即
吾師之嘉歎此邦人士並知氏後秦
必受蒸、日上廼因魏君之請而書
此以勸多士勸夫士習振立則民風

六受轉移司牧將不勞而理慈利隆
處偏隅覽斯志者亦以異聲明文物
之邦哉昔

同治七年戊辰嘉平月

欽加國子監學正銜直隸澧州慈利縣教
諭甯鄉趙珩君靖甫撰



續修慈利縣志序

慈利縣志始修於康熙二十四年邑
明經朱哲卿國挺葉輝生瓊其時吳
逆初平萬事草創加以溪峒蠻獠不
時竊發所有書籍俱付灰燼渺無什
一之存兩先生悉心編纂亦祇粗具
規模未見其詳贍也康熙四十九年

邑侯馬仲良世驥更加增訂較前志
或為宏濶然文久而漸字久而滅余
多方尋求亦竟無從索取蓋是書之
殘毀匪一日矣嘉慶二十二年

詔重修大清一統志

諭外省督撫行文各府州縣彙費呈繳適晉
陽名進士李六文約宰慈預籌經費

聘月川皇甫先生入署取百年廢缺
之典次第補輯自星野至藝文釐為
八卷分二十八門元元本本鉅細畢
貫洵乎網舉而目張已第其中沿訛
襲謬正復不少苟非遠稽博採去其
舛誤又奚以信今而傳後况由嘉慶
而道光而咸豐以至同治改元垂五

十年事之積累者難更僕數乎丙寅
季秋吳縣蔣公晉階權縣事奉

上憲檄續修邑乘觴紳士於署商畧資
斧並詢及秉筆之人僉舉余名以對
余適自永定解館歸謁見時諄諄以
此事相屬且定期十月二十日入局
辦理余思江文通云作史莫難於志

自維謏陋才學識三長俱無辭不就
蔣公復力勸余領之會卸篆去遂中
止丁卯春余仍往古大庸主崧梁書
院講席延至夏五月實授慈利縣令
錫山嵇公以志事難緩徵前任新
化縣教諭朱君玉甫卽補訓導朱君
桂邨孝廉劉君心毅練之昆仲分任

纂修專飭禮書走永定促余旋里命
總其成余因念周官誦訓掌道方志
以詔觀事以知地俗志之所關誠甚
鉅也茲雖楚極邊地而近來人文蔚
起頗不亞於通都今將踵前志為之
其能仰觀俯察而曲盡物情乎其能
博古通今而熟悉世故乎其能書出

而人齊其口不相訾謗乎以余撫衷
自問恐未必然矣顧諸君子既任分
修之責而余藉之以成名又得周知
一邑之風土人事以拓心胸而長識
量何其幸也開局後成卷帙若干加
於舊志者十之四恭錄

列聖詔誥

皇上諭旨於卷首昭誠敬慎法守也其他
闕者增俚者削譌者訂閱歲餘乃付
諸梓為吾邑成完書不可謂非遭逢
之盛倘千百世後或覽是志而善之
則皆諸君子互相參酌之力而非余
所得尸其功書成即綴數語以弁其
端

省

同治八年歲次己巳春正月上元日
邑人魏湘半舫甫謹識



續修慈利縣志序

古者小史掌邦國之志外史掌四方之志史備勸懲志書善不書惡體各別也第志掌諸史勸善中何嘗不寓懲惡之微意乃或者謂志僅紀輿圖之廣狹誌民數之多寡考

政事之廢興稽生靈之利病
與夫忠孝節義科名仕宦風
土物情金石碑銘亦祇資學
者之觀覽於懲惡無與焉不
知去古愈遠人心愈漓一時
儂薄者巧詐者委靡不振者
拘墟寡識者紛紛遞起有志
以維持之閱忠孝節義數則
而儂薄巧詐者愧閱科名仕
宦數則而委靡不振者慙閱
風土物情金石碑銘數則而
拘墟寡識者且以空疎為恥
是志雖勸善之書亦可藉以
懲惡蓋志體即史體也慈邑

舊志自皇甫月川先生於嘉慶丁丑重修後迄今垂五十年一切事蹟缺而未錄不加補葺竊慮文獻之無徵矣茲幸各上憲續修湖南通志檄徵梓本邑侯嵇伯潤先生會集都人士籌費重纂竝

請魏君半舫設局校理余亦忝居分修之列自慙蕪陋得與半舫輩商酌參考用以黜浮崇實刪訛訂謬俾閱斯志者以是編為勸善之書即以是編為懲惡之書志之所關誠非淺鮮也豈徒鋪張揚厲

供一時之觀覽云爾哉歷年
餘告竣條分縷析燦然大備
以之作志觀也可以之作史
觀也亦無不可時
同治八年歲次己巳季春月
穀旦主零陽書院講席里人
朱輝南玉甫謹敘

續修慈利縣志敘

慈志纂輯原委 諸公言之備矣予
不必贅竊謂志者舉其事實而記載
之也故邑志與國史有同有異史大
一統義取憲天志冠

上諭意凜尊王史提綱挈領直書其事而
褒貶自見志別類分門臚陳其實而

得失難誣史考獻徵文凡名臣奏疏
策論劄子之有裨治道者靡不備觀
省而垂鑒戒志訓方型俗凡文苑記
傳序銘詩歌之有關體要者亦在去
糟粕而取菁華是則其所同也顧作
史者上下千古蒐羅不下數十百家
理大而物博體廣而用宏故遺誤絕

少修志者縱博採兼收其見聞不出
數百里外僻壤無書又往往鴟酒見
誚故罍漏或多史師仿春秋其是非
必求不謬於聖人志模範先輩其去
取未必盡合乎君子此則其所以異
也然則修志者當何如曰信史猶存
曲筆則善善宜長良史不為謗書則

惡惡宜短推此意以修志不獨忠孝
節義一途毋苛毋濫毋激毋隨且舉
前志凡例中有未盡善者刪繁補簡
棄瑕錄瑜自較為美備人為矧而我
為因何必人盡非而我盡是哉大抵
士大夫稍具學識立身行己不外出
處兩端出則黼黻

文明當和衷以共贊國是處則闡揚風雅
當虛受以兼采衆長而其本原則先
在正心術心術既正則夫流露於政
事文章之際推行於朝廟鄉國之中
者取舍予奪務蘄至當不苟異亦不
苟同修志可也修史亦可也尚慮不
足符公論而愜人心乎

聖朝重熙累洽車書大同史館詞臣麟麟
炳炳胥有以潤色一代之

鴻猷而近日楚南人物文經武畧駸駸乎

甲天下大吏將欲采風鳴盛也復申

飭各地方官續修志乘以備彙輯慈

志編纂公延魏半舫先生秉筆予謬

襄厥事 邑侯嵇公復孜孜勸勉予

雖於諸君子無能為役而竊幸斯志

之觀厥成也因書所見以冠其首云

昔

同治八年歲在屠維大荒落疆圉單

闕月心穀劉啟培序



續修慈利縣志序

志猶之史也體例不必盡同而備紀
載資考證裨政教勵風俗史與志一
而已

國家重熙累洽二百餘年海澨山陬同
文共軌欣逢今

天子至治覃敷無遠弗届慈利雖楚西

隅而漸摩涵濡薰蒸變化駸駸乎發
為事業而蔚為文章以仰副

聖朝一統無外之盛則志之所載顧不休
哉先是嘉慶丁丑邑侯李嘉麓約禮
聘邑明經皇甫月川先生纂輯成帙
較舊志增十之四五然其中繁者略
者脫漏者舛訛者亦復不少同治丁

卯省門續修通志蒐徵各屬古吳蔣
公晉階謀所以總其成者僉舉半舫
魏先生湘以對乃不數月而蔣公卸
篆去繼領縣事者為無錫嵇公甫下
車迅走書幣延先生於大庸崧梁書
院先生博雅能文尤長於史學入局
後繁者刪之略者詳之脫漏者補之

舛訛者正之十閱月而工竣首星野
定疆度也次地輿紀形勝也次建置
沿革溯所自來也其別類分門洪纖
備具豈徒為是摭輯鋪陳云爾哉間
嘗躡星峰登雷岳高瞻遠矚慨然見
都邑井疆城郭關隘營署倉廩鋪塘
之屬靡不與漉澧俱長退而偕二三

同志上下其議論竊謂自秦漢以來
雖為郡為縣為州累朝各異而興學
校隆典禮生斯邑者山川靈秀代產
偉人因相與憑弔學士大夫之遺蹟
若劉若張若楊周諸公其選也至於
瑰奇卓犖德行隱逸與夫貞孝節烈
諸凡可驚可喜可泣可歌之事皆當

條分縷析以次類書俾後之閱是編者咸知吏治在是民生在是人情土俗亦罔不在是是則修志之意而編纂者之責也余幸蒞諸君子後共襄盛舉且喜是書之有成因誌數言於簡末

同治己巳花市月劉啟達練之氏撰

續修慈利縣志姓氏

鑒定

知慈利縣事 壬戌 科 舉人 嵇有慶

前署 慈利縣 事 蔣恩澍

參訂

慈利縣 教諭 壬戌 舉人 趙珩

同訂

署 慈利縣 九谿 營 遊 府 黃文燦

慈利縣 九谿 司 巡 檢 沈生光

慈利縣 捕 廳 袁惠直

慈利縣城守把總汪廷壽

署廣東直隸羅定州郎補同知乙酉拔貢張德和

總纂

丙午科亞元揀選知縣魏湘

分纂

前任寶慶府新化縣教諭庚子科舉人朱輝南

壬戌科舉人揀選知縣劉啟培

甲子科舉人揀選知縣劉啟達

六品銜儘先選用訓導朱佐朝

編校

生員潘鼎銘

試用訓導廩貢生康宗釗

采訪

坊廂

廩貢生岳昌松

廩生王南川

生員朱顯德

生員秦炳章

一都

廩生張望偉

卷之三十五 姓氏

二都

廩

生朱之材

生

員朱咸羸

三都

歲

貢

生劉啟奎

生

員文在中

四都

試

用訓導廩貢

生朱顯護

監

生李郁邦

五都

武

舉姜崑山

生

員王繼奎

六都

候

選訓導附貢

生邢德炗

候

選通判附貢

生馮甲寅

七都

武

舉符茂年

生

員李俊卿

八都

廩

生李邦獻

生

員孫行慶

生

員龔春圃

九都

儘先前選用訓導辛酉拔貢朱上濂

生

員朱際盛

十五都

生

員金耀南

監

生李昌選

十九都

生

員涂元良

二十都

舉

人胡金釗

二十一都

生

員康玉汝

二十二都

生

員度昌鰲

二十三都

生

員王光琛

二十四都

生

員覃希聲

二十五都

廩

生莫械林

州

同管盛典

繕寫

員王曉山

生

員傅子猷

生

生于福贊

童

生皇甫金焯

童

承辦禮書

朱際閔

續修慈利縣志

卷首

凡例

一慈利縣志自明季以來叠遭兵燹隻字無存

國朝定鼎之初吳逆構禍又無暇纂輯康熙二十四年

海宇靖安奉

上諭修大清一統志飛檄上憲遍徵各省諸邑乘吾縣朱公

哲卿葉公輝生手寫底本抄錄呈上未免因陋就簡

四十九年邑侯馬世驥重加增定亦不見其詳悉逮

嘉慶二十二年皇甫月川先生遠藉往牒旁搜文獻

較舊本差爲宏博然其中鄙俚舛謬正復不少沿至
於今又閱五十餘年矣後事積累更繁且多倘非續
修何以爲後來考據之資今謹按湖南通志岳州舊
志澧州志參考全史稽查縣冊訪問故老彙成一書
分列三十二門凡前志所載缺者增之遺者補之贅
者刪之謬者訂之務期確鑿簡覈足備一方掌故庶
不至貽笑方家云

一我

朝

列聖詔誥

皇上諭旨舊志悉列入藝文非所以尊

聖訓也夫煌煌

天語萬世典謨其有關政教風化者謹彙次編年表冠卷
首用示爲下不倍之意

一星野楚分鶉尾之次其在荊州域內者爲翼與軫旁
考諸書或主太微垣之上台或主天帝垣之西藩但
每歲列宿微有所退不得泥爲定分今於天文圖表
謹遵曆象新法並繪三垣分楚諸宿及星占於後以
證今昔度次之各異其陰陽緯候雜說概不登載懼
濫也

一地理舊志既多模糊新板亦慮散漫茲合九路管分繪數圖凡山川郡邑鋪塘道里形勢開載明白並列學官八景加以讚題覽是編者庶曉然於慈處極邊實不讓通都大邑焉

一建置沿革由周而來或爲郡或建州或改縣或設衛代有更易今備采原文令考地者知幅員之廣濶而九路改衛爲管歸縣統轄其一切事實俱依衛志增入間有遺漏錯誤悉補訂之

一疆域方位遠近舊志間有例置缺遺茲編悉心考訪詳爲記載其撥入安福永定桑植鶴峯者亦一一註

明令闕者心目瞭然

一山川凡前賢所載在慈境者今雖撥歸隣縣依舊志仍存名目註明屬某縣管轄其未撥者謹仿一統志參以水經注方輿紀畧而各都山川之孰可墾治孰可灌溉皆詳悉陳列

一城池原以衛民始自何代改自何年必備紀其原委而古城之可考者亦條附其後證古卽以知今且示人易於檢閱也

一津梁所以利涉凡有興建必分列官民並註明田地租穀若干以期行之久遠雖古蹟遺蹟亦詳書之爲

好義者勸

一公署自設官以來州改爲縣衛改爲營各有養望之處務須勤於修葺不以傳舍視之

一戶口田賦積儲所自出也

國朝休養生息版籍日增其人丁田地徭役存留經制欸行舊志未見清析今照新頒賦役全書備錄於左至育嬰養濟普濟諸堂院均係養民實政例得附書於其末

一學校爲人材所由興首

聖廟次則學署書院考棚創修基址置買田地收租若干

石附輯學額文武各八名咸豐四年至同治元年兩次捐輸增廣文武學額各四名著爲例若干

御頒書籍及禮器樂章佾舞諸圖具列會典非吾慈所專有者亦存名目於其上蓋爲後人勸學計也

一秩祀古人所重天地而外莫如

文廟其餘文昌關武廟遍及有功德於民之神凡祭品儀節及陳設圖次一一圖列於後

一典禮

朝賀及文武鄉試皆其重且大者至迎春以崇農業鄉飲以尊齒德與官民喪葬婚嫁皆禮教所關未可闕

而不載

一武備所以勝也

朝德威遠播殆尙肅清兵燹可百年不用矣而要以志戰
必危豫備宜急蓋自改銜爲營訓練之法日嚴一日
甚且分隊辨流備選傳送文牒誠措置之得其宜也
故備列營制圖畧職關隘亦附載焉

一職官舊志所載時代間有錯謬今詳考史冊文員斷
自丞倅武弁下達把總彙其姓名籍貫次第編入亦
望後來者各舉其職云爾

一名宦自秦漢後姓氏失傳者多間有其人出處始末
多不可考今但節錄其本任事蹟表政績亦以勵官
方也至近來賢員未經請詳並載事實於本名之下
一選舉舊志文武並列雖案代分紀而元明以來所收
甚畧今悉搜補以存其人至

國朝則例貢監生亦須仿舊志列名但近來粵匪煽亂
籌餉濟軍捐輸之人太多故不能盡登至由薦辟進
由蔭襲來者則必詳悉彙錄以昭

皇上嘉惠之意

一人物凡忠臣孝子足以扶植綱常事業文章莫不彪
炳今古例得特書舊志旣悉錄之矣後有齊民細行

已蒙 旌表及壽臻期頤未經詳請者亦必補續之

按省志州志將九谿人物載入安福縣考明設安福所在慈西二百四十里今為桑植縣新設安福縣在慈東南百里外係分九永澧州衛所屯田今九谿撥歸慈利則人物實在慈境者不應屬安福特釐正之

一列女以節孝為重舊志所載及新收者以

題旌年分先後為次其有世遠年湮子孫式微年例已符阻於時勢不及仰邀

曠典為地方所同見共知悉予登錄至事實未詳亦並列其名俾潛德幽光不至終於泯沒

一風俗為民情所見端民情悉而政即隨地制宜焉傳記所載楚風猶稱古樸而習尚亦不能無殊慈雖較

他縣稍勝其侈靡刁詐之風漸不可長是在牧民者之力為矯正爾

一物產為天地自然之利慈邑萬山環列所出較他縣差饒穀麥豆菽而外如雄黃鐵煤石灰若人世所必需者我

朝立法周詳凡諸所有聽民採取即有所稅亦從其薄至飛潛動植諸類悉依舊志載入而考核較精

一流寓或因宦遊託足或因高隱寄踪舊志詳為記載兼及騷人墨客之移籍者且並其子孫系焉亦以前括云遙不勝低徊流連之慕也

一古蹟非僅撫拾昔人遺址以供遊覽也實爲論世之資其邑中景物仙跡亦謹存之以備考豈好異哉天地名物奇文奧字與夫人事之變幻鬼神之靈奇採而輯之足廣見聞至寺觀一門記述歷代遺搆陵墓一門記述古王陵寢而晉賢名墓及近人所施義塚亦附列於末

一祥異造物啟人修省之端惠廸則吉從逆則凶不得以爲適然而置之也至於紀聞一門事涉荒唐殊無足錄然必概從屏棄則齊諧成書搜神作記皆屬古人多事矣

一藝文愛其文正以表其人紀其事也舊志所存佳構必爲登錄其繁冗俚俗者概從芟汰近來文人蔚起著述繁富要惟有關於吾縣之山川風土利弊因革及闡揚先賢懿績闡媛節孝者始爲收取其他閒章雜詠雖卓然可傳亦不妄載非敢掩沒佳文體裁固宜如此

續修慈利縣志目錄

卷首

序文

修志姓氏

凡例

目錄

宸翰

卷之二

星野一

分星圖

天文考

星占

地輿二

山川城池圖

鋪塘道路圖

孔谿形勢分圖

聖宮文武廟圖

衙署考棚圖

建置沿革三

歷代史考

附表

疆域四

路程
界址

坊廂

都區分撥地名

卷之三

山川五

峯

巖

洞

澧水

澧江

溪澗

原泉

堰塘

城池六

縣城

九谿營城

附古城

坊表

街巷

九谿附

鄉市

津梁七

官渡

義渡

礮梁

公署八

縣署

學署

捕署

汛署

行署

巡司

營署

附演武場

卷之四

戶口九

戶口

附養濟院

普濟堂

育嬰堂

田賦十

丁糧 田產 地塘 玖釐餉 首舉

起運 存留 屯坐 京旗 班匠

另派 雜稅

積儲十一

常平 社穀 附倉厥

學校十一

學宮 考棚 書院 書籍 學額

鄉會貢生廩生資 義學 學田

附檢字公項 武廟田地

卷之五

祭祀十三

歷代奉祀因革舉畧 配祀從祀位圖

崇聖祠位圖 各殿祭品陳設儀注

禮器 樂器 名宦祠 鄉賢祠

忠義孝弟祠 節孝祠 文昌廟

武廟 壇壝 龍神祠 火神廟

城隍廟 劉猛將軍廟 邑厲壇以上分載祭品儀注

卷之六

典禮十四

慶賀禮 迎讀詔書 宣講聖諭

迎春 耕藉 禮救日月 釋菜入學

書院啟館 朔望行香 鄉飲儀注 附圖

武備十五

兵制 塘汛 舖遞 俸廉兵餉

器械 關隘

職官十六

文職 附九谿衛文職 九谿衛武職 附營

麻寮所武職

卷之七

名宦十七

政績 附九谿衛名宦 附生祠

選舉十八

進士 舉人 副車 武科 選拔

恩歲貢 附九谿衛貢 歷代薦辟

廩增附捐職 例貢監捐職

誥贈 世襲 蔭襲

卷之八

人物十九

名臣 宦業 忠義 孝友 文苑

武功 隱逸 善士 耆壽

列女二十

節孝

貞女

賢媛

壽婦

卷之九

風俗二十一

冠

婚

喪

祭

歲時

雜占

物產二十二

蔬

水

竹

藥

花

草

獸

鳥

魚

昆蟲

流寓二十三

古蹟二十四

古樹 附

卷之十

仙蹟二十五

景物二十六

寺觀二十七

陵墓二十八

祥異二十九

祥異

荒歉

兵燹

附除蝗考

伐蛟考

紀聞三十

卷之十一

藝文三十一

舊叙

記

傳

考

辨

卷之十二

藝文三十二

狀

記

叙

傳

卷之十三

藝文三十三

傳

引

五古

七古

卷之十四

藝文三十四

七古

五律

七律

五絕

四言

詞

賦

續修慈利縣志首卷

詔諭

順治元年

世祖章皇帝定鼎登極

詔曰我國家受

天眷佑肇造東土

列祖邁圖鴻緒

皇考彌廓前猷遂舉舊邦誕膺

新命迨朕嗣服雖在冲齡緝念紹庭永綏厥位頃緣賊氛洊

熾極禍明朝是用託重親賢救民塗炭乃方馳金鼓旋奏

新修嘉禾縣志 卷之二
澄清既解倒懸非富天下而王公列辟文武羣臣暨軍民
耆老合辭勸進懇切再三乃於今年十月初一日祇告

天地

宗廟

社稷卽皇帝位仍建有天下之號曰大清定鼎燕京紀元
順治緬維峻命不易創業尤艱況當改革之初更屬變通
之會爰乃酌今準古揆天時人事之宜庶幾吏習民安彰

祖功

宗德之大所有合行條例臚列於左

順治十二年

論曰朕惟帝王敷治文教是先臣子致君經術爲本自明末
擾亂日尋干戈學問之道闕焉未講今天下漸定朕將興
文教崇經術以開太平爾部卽傳諭直省學臣訓督士子
凡理學道德經濟典故諸書務要研求淹貫博古通今明
體則爲真儒達用則爲良吏果有此等實學朕必不次簡
拔重加任用又念先賢之訓仕優則學仍傳諭內外大小
各官政事之暇亦須畱心學問俾德業日修識見益廣佐
朕右文之治特諭

順治十八年

聖祖仁皇帝登極

續修嘉禾縣志

卷之二

宸翰

詔曰惟我國家受

天眷命

祖功

宗德肇造丕基我

皇考大行皇帝盛德至仁英資大度繼承歷數統一寰區恩澤洽於多方政教臻於上理方期邦國永慶雍熙不幸奄棄臣民遽升

龍馭顧以大寶屬於藐躬朕兢兢在疚本不忍聞而諸王貝勒大臣文武官員人等僉謂神器既已攸歸天位不宜久曠望請再三朕是以俯徇輿志勉抑哀衷於是月初九日

祇告

天地

宗廟

社稷卽皇帝位仰惟

上天眷佑之篤

祖宗付託之隆涼德冲齡膺茲重寄敬圖覲光揚烈用紹無疆之休其以明年爲康熙元年與天下更始式衍舊恩聿宏新化所有合行事宜開列於後

康熙四十一年

諭巡撫趙申喬湖南地方介在邊遠之境聞向來官吏積習

相仍無藝私征種種不一計每歲科派有較正供額賦增至數倍者有司徵收錢糧加取火耗又視別省爲獨重百姓窮蹙不支致多流離轉徙非將宿弊逐一剔除無以砥礪官方大甦民困除從前已往諸事姑免察究外爾到地方嚴飭大小屬員痛改前非洗心奉職力減加耗盡革私征務使流移者復返鄉閭守業者獲安隴畝庶副朕軫念遠省民生至意如仍有藐法不遵重爲民害者卽據實糾叅從重治罪決不輕宥特諭

康熙四十一年

諭曰國家建立學校原以興行教化作育人才典至渥也朕臨馭以來隆重士儒加意庠序近復慎簡學使釐剔弊端務期風教修明賢材蔚起庶幾棫樸作人之意乃比來士習未端儒效罕著雖因內外臣工奉行未能盡善亦由爾諸生積錮已久卒難改易故也茲特親製訓言再加謹飭爾諸生其敬聽之從來學者先立品行次及文學學術事功原委有序爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義勿雜荒誕之談取友親師悉化僞盈之氣文章歸於醇雅毋事浮華軌度式於規繩最防蕩佚子衿佻達自昔所譏苟行止有虧雖讀書何益若夫宅心弗淑

行已多愆或蜚語流言騰制官長或隱糧包訟出入公門
或唆接姦猾欺孤凌弱或招呼朋類結社要盟乃如之人
名教不容鄉黨弗齒縱伴遊魂撲濫竊章縫返之於裏能
無媿乎况乎鄉會科名乃掄才大典關係尤鉅士子果有
真才實學何患困不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂凌騰沸網利
營私種種弊情深可痛恨且夫士子出身之始尤貴以正
若茲厥初拜獻便已作姦犯科則異時敗檢踰閑何所不
至又安望秉公持正爲國家宣猷樹績膺後先疏附之選
哉朕用嘉惠爾等故不禁反復惓惓茲訓言頒到爾等務
其體朕心恪遵明訓一切痛加改省爭自濯磨積行勤學
以圖上進國家三年登造束帛弓旌不特爾身有榮卽爾
祖父亦增光寵矣逢時得志寧俟他求哉若乃視爲具文
玩愒弗儆毀方躍冶暴棄自甘則是爾等冥頑無知終不
能率教也旣負栽培復干咎戾王章具在朕亦不能爲爾
等寬矣自茲以往內而國學外而直省鄉校凡學臣師長
皆有司鐸之責者并宜傳集諸生多方董勸以副朕懷否
則職業弗修咎亦難逭勿謂朕言之不預也爾多上尙敬
聽之哉

康熙四十五年

諭戶部朕子育黎元日求所以休養利濟之道惟念賜租減賦實有裨益於民生直隸各省錢糧次第全蠲一年者業經數舉獨是歷歲逋負累積加增舊稅新徵勢難兼辦縱使少寬民力分年帶輸而督令續完仍多拮据朕眷懷及此深切軫卹是用蠲逋已責大沛恩膏俾閭閻獲免追呼官吏亦不罹叅罰直隸山東積欠錢糧今年俱係蠲免其山西陝西甘肅江蘇安徽浙江江西湖北湖南福建廣東各省自康熙四十三年以前未完地丁銀二百一十二萬二千七百兩有奇糧十萬五千七百石有奇按數通行豁免或舊欠已完在官而見年錢糧未完足者亦准扣抵論旨到日各該撫立行所屬張示徧諭如有不肖有司以完作欠蒙涸銷算及開除不清者該督撫即時題叅嚴加治罪爾部卽遵諭行特諭

雍正元年

諭禮部湖南士子赴湖北鄉試必經由洞庭湖湖水浩瀚無涯波濤不測六七月間風浪尤險間有覆溺之患朕心深爲惻然或致士子畏避險遠裹足不前又非朕廣育人材之意今欲於湖南地方建立試院每科另簡考官俾士子就近入場永無阻隔之虞共遂觀光之願明年二月爲鄉試之期爾部可卽行文湖南巡撫若能於二月之前預備

場屋則於明春卽分湖北湖南兩闈考試倘爲期已迫預備不及則於下科舉行至於湖廣通省取中原有定額今旣分兩闈其取中之數應如何分別湖南湖北巡撫公議著湖廣總督從公酌定具奏特諭

又

論湖廣總督楊宗仁湖北巡撫綱齊嶠湖南巡撫魏廷珍等凡爲封疆大吏者貴學古尤貴通今能安民方能裕國經濟之術烏可不講朕念爾楚省地方遼闊戶口滋繁而恒產有限民食維艱聞有殷實之家亦不過僅自溫飽而已求其急公尚義賑災卹鄰者前此未之或聞所以國家設

立常平諸倉蓄穀積粟不容一日少緩也又念官倉關係考成有司安敢擅動偶逢旱澇詳報踏勘往返察驗未免後時古人云備荒之倉莫便於近民而近民則莫便於社倉前密諭爾等勸導建設蓋專爲安民起見非謂官倉穀少欲假此儲蓄以誇張富有也爾等領會朕意自應轉諭屬員體訪各邑士民中家道素豐有急公尚義之心者使主其事果掌管得人出納無弊行之日久穀數自增至於勸捐之時須俟年歲豐熟輸將之數宜隨民力多寡利息之入務從乎輕取償之期務從乎緩如值連年歉收卽予展限至豐歲完納必遇有奸頑之徒立意刁抗者然後從

而懲創之以杜絕諸弊護衛良法外此一切條約有司毋得干預至行有成效積穀漸多該督撫亦止可具摺奏聞不宜造冊題報使社倉頓成官倉貽後日官民之累朕初意欲如此耳孰料該督望影揣情而又欲速不達令各州縣應輸正賦一兩者納社倉穀一石且以貯穀之多少定牧令之殿最近聞楚省穀石見價四錢不等是何異於一兩正賦外收加四五錢火耗耶是爲裕國乎抑爲安民乎無乃學古而不通今之咎歟楊宗仁初舉毅然未嘗不好一旦銳意欲速而屬員又奉行不善其流弊遂至於此也在楊宗仁之病惟尚氣自用而魏廷珍納齊喀所短又在

阿順曲從夫豈朕所望於爾等清忠報國之意耶諭到該督撫速會同司道府等官確商妥議務得可以安民裕國經久之法以副朕委任至意特諭

又

諭湖廣總督楊宗仁朕惟安良莫如除莠扶正必先黜邪向有清淨無爲白蓮羅門等教妄立名號誑惑迷假因果之說飾詭異之跡夜聚曉散男女混雜結者同聲相和愚者罔識其非手趨崇奉黨類潛滋劫掠廢織慕此爲甚除他省朕經再三飭諭搜捕剷除聞爾楚省似此奸徒亦復不少爾其飭行所屬各員密訪渠魁嚴拿究懲化導脅從

去邪返正務令妖萌盡淨隱翳全消風俗人心咸歸良善
但須密加偵伺設法緝禽如得元惡酬以重賞有能出首
者概予從寬切戒無知屬員急遽聲揚擾民駭衆致生事
端則非徒無益而有害也慎之密之

雍正五年

論社倉之設所以預積貯而備緩急原屬有益民生之事朕
御極以來令各省舉行曾屢頒訓諭務俾民間踴躍樂輸
量力儲蓄不可繩以官法誠以此事若非地方官勸率照
看則勢有所難行若以官法相繩則又恐勉強催迫轉滋
煩擾是以再三訓飭惟期設法開導使衆樂從不致一毫

擾累乃爲盡善也數年之內各省督撫中奉行最力者則
湖廣總督楊宗仁今據傅敏陸續盤查具奏前來始知湖
廣所屬州縣社倉一案原報甚多而見貯無幾此中情弊
想因不肖有司侵蝕入已或挪移以掩其虧空又或因楊
宗仁始初料理此事之時意在銳於舉行而所屬各官迎
合其意遂虛報穀石之數以少爲多均未可定總之舉行
社倉之法其中實有甚難者我

祖仁皇帝深知其難行之處是以李光地奏請而未允張
伯行暫行而卽罷此實事勢使然也蓋以民間積貯言之
在富饒之家自有蓄積雖遇歉收而無須乎社倉之穀則

當輸納之時徃徃退縮不前而貧乏之家其仰給社倉固
爲殷切而每歲所收僅供生計又無餘粟可納社倉以備
緩急此責諸民者之難也至於州縣官員實視爲一體者
豈可多得今以常平之穀爲國家之公儲關係已身之考
成尙且侵欺挪用虧空累累至於民間之社倉安能望其
盡心經理使之實貯而濟用乎朕之舉行社倉實因民生
起見又諸臣條奏者多言之鑿鑿是以令各省酌量試行
以觀其成效何如竝非責令一概施行也今湖廣社倉虧
缺之數卽交與傅敏悉心清查分別核實倘穀已如數交
倉而州縣侵蝕挪移忍以百姓預備之需充一己之私用

者著卽於原侵挪之州縣名下嚴追賠補斷不容短少顆
粒如或民間原未交倉或交倉之數與原報之數多寡不
符者若必欲令民間照數完納恐小民力有未敷未免竭
蹙非朕曲體民隱之意傅敏辦理此事必須至公至當方
與吏治民生兩有裨益也自古有治人無治法必有忠信
樂善之良民方可以主社倉之出入必有清廉愛民之良
吏方可以任社倉之稽查各省官民果能實力奉行而善
全無弊朕實嘉之至於繩以官法而好尙虛名則有司奉
行之不善負朕本意矣

又

諭曰向來雲貴川廣以及楚省各土司僻在邊隅肆爲不法
擾害地方剽竊行旅且彼此互相仇殺爭奪不休而於所
管轄苗蠻任意殘虐草菅民命罪惡多端不可悉數是以
朕命各省督撫等悉心籌畫可否令其改土歸流其遵王
化此朕念邊地窮民皆吾赤子欲令永除困苦咸樂安全
並非以煙瘴荒陋之區尙有土地人民之可利因之開拓
疆宇益增版圖而爲此舉也今幸承平日久國家聲教遠
敷而任事大臣又能宣布朕意勦撫兼施所在土司俱已
望風歸向並未重煩兵力而願爲內屬者數省皆然自此
土司所屬之夷民卽我內地之邊民土司所轄之頭目卽

我內地之黎獻民胞物與一視同仁所當加意撫綏安輯
使人人得所共登衽席而後可副朕懷也但地方遼濶生
武官弁等需員甚多其間未必盡屬賢良之輩且恐官弁
等之意以爲土民昔在水火今旣內附以脫從前之暴虐
卽畧有需索亦屬無傷此等意見則萬萬不可者著該督
撫提鎮等嚴切曉諭不妨至再至三且須時時留心訪察
稍覺其人不宜苗疆之任卽時調換並嚴禁兵丁胥吏之
生事滋擾務俾政事清明地方寧謐安居樂業共享昇平
倘有不遵朕旨絲毫苛索於土民地方者著該上司立卽
參劾從重治罪卽係平日保舉之人亦不可爲之容隱果

能據實糾參朕必宥其失察之愆嘉其公忠之誼該督撫
提鎮等可共體朕心各盡懷保邊民之道特諭

又

諭曰朕惟國家首重吏治爾州牧縣令乃親民之官吏治之
始基也貢賦訟獄爾實司之品秩雖卑職任綦重州縣官
賢民則先受其利州縣官不賢民則先受其害膺茲任者
當體朝廷惠養元元之意以愛民爲先務周察部屋綏輯
鄉閭治行果有其實循卓自有其名非內聚賄而外干譽
謂之名實兼收也全省吏治如作室然督撫其棟梁也司
道其垣墉也州縣其基址也書云民爲邦本本固邦寧此
所以固邦本在吏治吏治之本在州縣苟州縣之品行不
端猶基址不立則室不固庸有濟乎

皇考臨御六十一年灼知州縣之重特行引見咨詢周試至
諄至慎其有廉能之員每不次超擢以示鼓勵今海內羣
黎皆

皇考所懷抱也朕膺宗社重寄思續

皇考之治功惟爾諸臣俱有父母斯民之責其爲朕之基址
以固邦本焉誠能竭已奉公實行供職一州一縣之中興
仁興讓教孝教忠物阜民安刑清訟簡朕將升之朝宁用
作股肱如何罔念民瘼恣意貪婪或朘削肥家或濫刑逞

新修志和縣志卷之七
詔或借刻以爲清或恃才而多事或諂媚上司以貪位或
任縱胥役以擾民或徇私逞欲以上虧國帑王章具在豈
爾貸與更有任州縣時私肥已橐而漫云且候顯要方立
名節者其與初帶清名晚而改操之人何以異哉至於錢
糧關係尤重絲毫顆粒皆百姓之膏脂增一分則民受一
分之累減一分則民受一分之賜前有請暫加火耗抵補
虧空帑項者

皇考示諭在廷不允其請爾諸臣共聞之矣今州縣火耗任
意加增視爲成例民何以堪乎嗣後斷意禁止或被上司
察核或被科道糾叅必從重治罪決不寬貸夫欲清虧空

之源莫如節儉正直節儉則用無不足正直則上官不可
干以私若朕小民之生以飽上官之貪欲冒不測之罪以
快一時之奢侈豈砥礪廉隅爲民父母之道乎爾州縣等
官其恪供乃職毋貽罪戾毋謂地遠官卑朕不及察其賢
否也特諭

乾隆元年

諭曰朕聞江南江西湖廣地方襟江帶湖廣袤數千百里設
立塘汛所以衛商民防盜賊也近訪得不肖兵丁疎懈廢
弛養盜貽患受其規禮分其贓物爲之聲援嚮導及細求
其故多因兵丁攜帶家口安土重遷與地方奸匪往來熟

識以致事前無忌事後無蹤放膽游行竟成盜賊之淵藪夫汎兵頻數更替出其不意則與賊無從結識有縱賊之咎無夥賊之利亦何樂乎爲此願任其挈妻孥飽谿壑荏苒多警鈴柝空存徒法不能以自行非此之謂歟朕又聞江岸湖邊船隻成羣任意攬載奸良莫辨裔民獲劫所在多有雍正五年定例令地方官取其船戶鄰右保結編列號次刊刻姓名給以印照不時稽查而漁船出沒無定藏奸更易亦依陸地保甲之法許以公首懲以連坐乃日久怠忽總不奉行夫弁兵竭力防緝則盜賊不致蔓延船戶隨在清查則盜賊無由混雜然必須封疆大吏刻刻留心

時時察訪規條賞罰整肅嚴明方能著有成效至汎兵更替之法尤當因地制宜俾兵丁得顧其室家而汎地仍資其防衛是又在封疆大臣實心區畫善爲經理不徒在文告之虛辭也著各該督撫悉心詳議奏聞

乾隆二年

論曰昔者虞廷咨牧食哉維時而百揆奮庸之後卽命棄以播時百穀禮樂兵刑皆在所後良以食爲民天一夫不耕或受之饑一女不織或受之寒而耕九餘三雖遇荒年民無菜色今天下土地不爲不廣人民不爲不衆以今之民耕今之地使皆盡力焉則儲蓄有備水旱無虞乃民之逐

末者多而地之棄置者亦或有之縱云從事耕耘而黍高
稻下之宜水耨火耕之異南人尙多不諳北民率置不講
此非牧民者之責抑誰之責與今之督撫於地方命盜等
案或官方吏治兵制夷情能盡其心者有之其以身爲之
倡課百姓以農桑本務者誰也得毋與虞廷命官之意相
左乎朕欲驅天下之民使皆盡力南畝而其責則在督撫
牧令必身先化導毋欲速以不達毋繁擾而滋事將使逐
末者漸少奢靡者知戒蓄積知勸督撫以此定牧令之短
長朕卽以此課督撫之優劣至比五省之民於耕耘之術
更爲疎畧是以一穀不登卽資賑濟斯豈久安長治之道

其應如何勸戒百姓或延南人之習農者以教道之牧令
有能勸民墾種一歲得穀若何三歲所儲若何視其多寡
爲激勸非竒貪異酷極昏極庸者毋輕率劾去使久於其
任則與民相親而勸課有成將見俗返醇樸家有蓋藏然
後禮樂兵刑之教可漸以講者著該部卽會同九卿詳悉
定議以聞此諭

嘉慶元年正月

高宗純皇帝歸政禮成

皇帝欽奉

太上皇帝詔曰朕纘紹丕基撫綏函夏勤求治理日有孜孜

仰賴

上天眷祐

列聖貽謀寰富乂安蒸黎康阜聲教四訖中外一家御極以來平定伊犁回部大小金川擴土開疆數萬餘里緬甸安南廓爾喀以及外藩屬國咸震懾威稜恪修職貢其自作不靖者悉就殄除功邁十全恩覃六合普免各省漕糧者三地丁錢糧者四展義巡方行慶施惠蠲逋貸賑不下千萬億振興士類整飭官常嘉與萬邦黎獻海隅蒼生同我太平躋之仁壽朕持盈保泰弗懈益虔勤念雨暘周諮稼穡稽於庶言庶獄庶慎靡不躬親宥密單心時幾交敷用上

副

祖宗付畀之重下撫億兆仰戴之誠日慎一日六十年於茲矣迴憶踐阼初元曾默籲

上蒼若紀年周甲當傳位嗣子不敢仰希

皇祖以次增載今敬迓

洪釐幸符初願朕康強逢吉九旬望表五代同堂積慶延祺光於往牒非

昊慈篤祐申命用休曷克臻此

天生民而立之君使爲司牧授受之際敢不兢兢溯自癸巳南郊卽以嗣位皇子之名默奏

上帝竝於盛京恭謁

祖陵敬告

列祖在天之鑒昨冬頒朔屆期特宣布詔旨明定儲位以丙辰爲嘉慶元年預飭所司敬議歸政典禮皇太子秉性謙冲臚陳固讓率同內外王公大臣等具章請朕至百歲始行斯典但

天聽維聰朕志先定再四申諭勿得懇辭皇太子仁孝端醇克肩重器宗祏有託朕用嘉焉已諷吉祇告

天地

宗廟

社稷皇太子於丙辰正月上日卽皇帝位朕御太和殿躬拔寶璽可稱朕爲太上皇帝其尊號繁文朕所勿取毋庸奏上凡軍國重務用人行政大端朕未至倦勤不敢自逸部院衙門及各省題奏事件悉遵前旨行履端首祚禪授上儀宜沛新綸同敷愷澤所有合行事宜條列於左於戲常厥德保厥位深維

創業垂統之心本諸身徵諸民聿昭繼體守文之治予小子祇承

慈命勉荷鴻圖謹奉宣

敕旨布告天下咸使聞知

又

論曰湖北教匪滋事肆行劫掠焚燬卹莊業經官兵屢加剿殺而該省紳士百姓等能知大義團練鄉勇隨同官兵打仗殺賊實屬可嘉湖南省勦捕苗匪見在首逆就獲官兵卽抵乾州指日大功告成第念附近苗疆地方多有被苗匪蹂躪占種田土民人不免失業卽較遠各州縣解運糧餉軍需等事亦不無有資民力朕心深爲軫念宜加渥澤以示體卹除該二省被賊擾累地方業經加恩分別蠲緩外著再加恩將湖南湖北二省來歲應徵錢糧俱行豁免俾被擾失業者得以復其生計而急公出力者亦更資溫

飽并著該督撫速行騰黃宣示務令鄉邨僻壤咸使聞知用示朕惠鮮勞來有加無已至意

道光二年

諭給事中王松年奏請敦崇教化以培民風一摺所奏未嘗不是惟國家化民成俗之方必探其本各直省大吏下逮守令果能恂幅無華以實心行實政課農桑以開其源講孝弟以善其俗隨時隨事盡心開導不以空言塞責彼民耳濡目染父誡其子兄勉其弟庶幾化行俗美所謂日計不足月計有餘我朝

列聖相承

聖諭廣訓十六條久垂功令地方官每月朔望敬謹宣讀俾眾著於愛敬睦嫻之義百數十年來海澨山陬罔不奉行惟謹然如該給事中所奏以州縣奉行之力與不力定其功過考成則庸上考者轉得以空言自飾其治績至令教授學政教諭等官分期輪流四鄉宣讀並遴選邑紳每鄉數人於各鄉朔望宣讀歲一更換官爲稽核則閭閻之供億紳士之夤緣在所不免流弊滋多恐日久仍歸具文於端本善則之治又何裨乎義學書院皆州縣所宜整飭惟在各該州縣率由舊章擇經明行修之士認真董教自不至空支修脯至籌議開款勸捐富紳恐啟不肖州縣侵蝕

勒索諸弊其所請教官稽察生儒各章程並令該督撫歲終將各郡屬辦理情形開單彙奏業牘繁多徒滋紛擾該給事中所奏應毋庸議欽此

道光七年

諭那彥成奏裁汰通省掛名吏役核實查辦完竣一摺所辦認真甚屬可嘉直隸大小衙門掛名吏役過多包差滋擾苦累閭閻前經該督奏奉諭旨酌定應留名數造立循環冊簿年終報明該管道府具報總督衙門查點餘皆革退不准額外增添茲據奏嚴飭各屬將各該衙門酌留吏役名數分別造冊具結呈送查核並委道府丞倅分往確切

查點按名寫榜出示懸掛城鄉俾衆知曉現據冊報通省革除吏役竟有二萬三千九百餘名之多官官相護朋比爲奸尚復成何政體直隸如此他省諒亦不免着通諭各直省督撫一體飭查據實裁汰按照那彥成所奏章程辦理倘查辦後地方官復敢額外私增或棍豪冒充肆擾一經查出卽將地方官嚴參議處吏役加等治罪此係各該督撫必當認真查辦之事要在行之以實持之以久毋得視爲具文用副朕釐剔弊端至意欽此

道光十四年

御史俞焜奏請申明例案禁以培風俗一摺自來民俗之

漓漓由於平時之漸染國家型方訓俗必將孝弟忠信禮義廉恥大爲之防可正人心而維風俗如該御史所奏近來傳習演義等書踵事翻新詞多俚鄙其始不過市井粗識字義樂於觀覽甚至兒童婦女莫不願聞而習見之以蕩佚爲風流以強梁爲雄傑以佻薄爲能事以穢褻爲常談復有假托誣妄創爲符咒禳厭等術蠢愚無識易爲簧鼓詞訟之日繁盜賊之日熾未必不由於此嗣後各直省督撫及府尹等嚴飭地方官實力稽查如有肆坊刊刻及租賃各舖一切淫書邪說務須搜取板書盡行銷毀庶幾正道日興奇書胥靖朕實有厚望焉將此通諭知之欽此

咸豐元年

諭給事中袁甲三奏豁免民欠請嚴除積弊一摺又另片奏豁免之後宜禁止官民蠲習等語撥稱歷屆豁免積欠成案各省因撥飭查行有遲至數年而不結者良由本無限期以致輾轉耽延官吏營私弊端叢生若不預爲制防是竟以加惠之政遂若輩豁壑之私尙復成何事體此次豁免積欠值清查初藏民欠欸目皆已剔清外司內部已知確數勢固較然難欺卽近年奏銷在清查以後者亦不難將征册串根核其實欠數目著各直省督撫將軍府尹於稟到豁免諭旨後限三個月卽行詳晰開單具奏戶部亦

卽趕緊查明覆奏其銀穀欸數稍有未符者卽議時一面核准一面將不符之處行令咨部更正毋任警役藉詞騷換至有需索至騰黃告示該地方官務須遍貼城鄉並將里戶豁免實數清單另刊粘於騰黃之尾使窮鄉僻壤無不周知庶幾吾民得沾實惠此後杜積弊於未然在官當嚴察其侵那毋令捏災遞展預爲巧抵之地在民當嚴禁其拖欠毋令希恩延挨預開俸免之門總期各大吏其體朕心俾膏澤無不下究實有厚望焉將此通諭知之欽此

又

諭傳總動奏遵查豁免積欠請旨遵辦一摺向來查辦豁免

積欠降旨指蠲自某年至某年者總以奏銷截數爲準若未入奏銷不得統作積欠蠲免歷經該部纂入則例一律遵行本年元旦經朕降旨飭令各該省將道光三十年以前實欠在民者詳查具奏候朕以次施恩各該省遵旨查辦自應仍照舊章凡實欠應蠲總以欠數已入奏銷爲準其道光三十年正賦此時尙未奏銷不得謂之積欠著再通飭各直省督撫將軍府尹等遵照從前成案並現在戶部議行各事宜明晰曉諭分別辦理毋致小民誤會觀望致礙新賦庶應蠲者實惠均霑應徵者輸將無誤官吏人等自不致有影射朦混等弊至傳蠲勅奏稱江蘇道光二

十九年漕項雖未歷過奏銷但地丁漕項向係一條編徵難以劃分著准其援照嘉慶二十三年成案一併查明請旨豁免各督撫等各就該省應豁民欠數目詳細勾稽核實查辦使布德行惠之典比戶周知用副朕意將此通諭知之欽此

咸豐三年

諭曰本年上辛

祈穀大祀朕詣

壇齋宿虔申默禱惟願吾民同登衽席永戢干戈念自逆匪滋擾以來由廣西而湖南由湖南而湖北所過城池多被

蹂躪現復圍陷武昌省城數萬生靈慘遭荼毒卽未被賊
地方亦復聞驚遠避備極流離顛沛之苦總由地方官吏
平日既不能先事預防臨時又復張皇失措甚至望風先
遁以致居民失其所恃不得不轉徙他方以全性命朕爲
天下生民主不能察吏安民致令盜賊肆行閭閻驚擾輿
言及此寢食難安因思嘉慶年間川楚教匪蔓延數載論
行堅壁清野之法令民團練保圍旋就蕩平卽今廣西湖
南地方多有團勇保護鄉里賊不敢逼且有殺賊立功者
况各處鄉村良民多而莠民少若得公正紳耆董理其事
自不致別滋流弊卽地方間有土匪一經約束亦將去邪

歸正共保鄉閭惟在良有司素得民心必可收衆志成城
之效著該督撫分飭所屬各就地方情形妥籌辦理並出
示剴切曉諭或築寨浚濠聯村爲堡或嚴守險隘密拏姦
宄無事則各安生業有事則互衛身家一切經費均歸紳
耆掌管不假吏胥之手所有團練壯丁亦不得遠行征調
各團中如有捐貲倡助或殺賊自效者地方官卽申詳大
吏據實奏聞朕必立加獎叙如廣西湖南各鄉團出力者
無不渥沛恩施凡士著良民各有產業與其倉皇遷徙拋
棄田廬轉不免土匪乘機搶掠何如堅守鄉里以子弟衛
父兄以家資保族黨乎至於賊匪夥黨亦豈盡屬兇頑甘

心從逆多因被賊裹脅供其役使苟延喘息末由自新現
在著名逆匪如蕭朝貴等均已先後殲斃韋正亦伏誅惟
一二逆首尙稽顯戮賊匪惡貫滿盈神人共憤光天化日
之下豈容魍魅久肆克殘亦當立就殄除以快人心而安
疆圉朕奉行

天討軫念羣生不惜數千萬帑金救民水火現復欽派大臣
調集各路精兵合力會剿何難盡掃妖氛不留餘孽惟念
此被脅之民不從則先死於賊從之則又死於兵豈愚可
知自罹陷阱古人云殲厥渠魁脅從罔治朕仰體

上天好生之德何忍概行誅戮如有被賊裹脅自拔來歸者
不妨貸其一死有能縛獻首逆或爲內應殺賊立功或戮
取長髮賊頭目首級來獻者不但赦其前罪更加以重賞
其各深思猛省毋貽後悔我朝

列聖相承深仁厚澤洽於黎庶朕以薄德紹承大統三載以
來勤求民瘼惕厲時深雖因各省水旱偏災並南河缺口
蠲緩錢糧截漕賑濟粵楚被兵處所亦已分別查辦蠲緩
加恩而民困未能盡蘇小惠恐難徧及每念生民塗炭撫
育無方卽再三引咎自責亦屬虛文惟有恐懼修省叩籲

昊天宥予之辜拯我窮黎中外文武大臣及地方官吏亦當
激發天良爲民除害各省紳民人等自必同仇敵愾速殄

賊氛從此永慶綏豐仰承

天佑朕與天下臣民同深寅感茲值

大祀禮成是用敷布朕懷重申誕告著該部及各直省大吏刊刻謄黃宣示中外咸使聞知欽此

咸豐十一年

奉

天承運

皇帝詔曰我大清仰承

上天眷佑粵自

太祖

太宗肇建鴻業

世祖統一寰區

聖祖

世宗

高宗

仁宗

宣宗重熙累洽中外乂安我

皇考文宗顯皇帝臨御十有一年宵旰憂勤日臻上理盛德豐功昭垂萬世深恩厚澤漸被八紘方期撫綏寰海多福永膺詎意

臨幸灤陽舊疾復作元氣日虧竟至彌留不起七月十六日
子刻

諭立朕爲皇太子十七日寅刻

龍馭遽升以神器屬於藐躬朕自維冲齡薄德懼不克勝顧
念

列聖詒謀之要

皇考付託之隆勉抑哀忱膺茲重寄恪遵

成命於十月初九日祇告

天

地

宗廟

社稷卽皇帝位以明年爲同治元年仰紹

前猷彌增寅惕際新綸之丕布衍景運於無疆所有應行事

宜條列於左

同治四年

諭曰朕奉

慈安皇太后

慈禧皇太后

文宗顯皇帝龍馭上賓倏經三載本年十月卽屆釋服之期

春露秋霜曷勝悽愴我朝定制皇帝於釋服後一切慶

典均應次第舉行惟念

梓宮尚未永遠奉安遙望

殯宮彌深哀慕若將應行典禮一切照常舉行於心實有不忍除朝賀大典均仍照常舉行外其各項慶典外內王公大臣聽戲筵宴應如何分別舉行停止之處著議政王軍機大臣御前前大臣會同禮部等衙門妥議奏聞至萬壽禮節向有賞王大臣聽戲筵宴著一併停止俟永遠奉安後與一切慶典再行照例舉行以符舊制所有昇平署歲時照例供奉並著候

山陵奉安後俟旨遵行其咸豐十年所傳之民籍人等著永

遵舊章欽此

同治七年

御史王書瑞原奏內稱城垣之設原以衛民自承平日久地方官輒視爲尋常任其坍塌而不顧迨軍務緊急力籌坊堵從危急存亡之秋竭蹶興工幸得完固及肅清後又復習爲恬熙不加保護誠恐日久因循又多傾圮將來卽議修築必因公費浩繁難以設措試思從前變起倉猝籌畫維艱正當趁此有基未壞之時於鬆懈處培之使堅缺陷處補之使密庶工省而費少捍衛有資民心自固是亦地方之要務也

附錄明太祖諭湖廣參政楊璟勅 洪武元年

湖南地接溪崗特險負國叛服不常宜多方以取之
薄其山寨絕其樵採烏合之衆志在剽掠既無所得
勢必潰散乘機勦捕脅從開釋收復鎮撫以緩遠人
又諭楊璟討澧州慈利縣土酋覃屛勅 洪武二年
蠻賊恃山谿險阻乘時竊發出没無常若誅其黨衆
深入山谷損傷士馬所得不足償所費今師入其境
擊之但使遠去不令出擾州縣可也不必窮其巢穴
更宜約束麾下慎勿逐利輕動

又

爾違吾言而妄動不能平賊既已失矣又中其詭計
陷爾之部將爾之智畧何在今命叅議戴德以兵從
爾凡諸小寨限以日月平之仍撫綏慈利等處民人
俾其安生毋致驚駭若再違朕命以潞州失利之罪

治爾

介武承鼎

卷之二

七

五